Dissertatio medica, inauguralis, de physconia splenica: quam, sub moderamine viri admodum reverendi D. Joannis Ewing, S.S.T.P. Universitatis Pennsylvaniensis praefecti; ex curatorum perillustrium auctoritate, nec non amplissimae facultatis decreto, deo maximo annuente, pro gradu doctoratus, summisque in medicina honoribus et privilegiis rite et legitime consequendis / eruditorum examini subjectam sustinuit Edvardus Miller, M.B. Delavarensis, Societat. Med. Delavarens. Sod. ejusdemque a secretis ad diem 23. Julii, hora locoque solitis.

Contributors

Miller, Edward, 1760-1812. Young, William, 1755-1829 Brincklé, John, 1764-1835 University of Pennsylvania. National Library of Medicine (U.S.)

Publication/Creation

Philadelphiae: Apud Guliemum Young, MDCCLXXXIX [1789]

Persistent URL

https://wellcomecollection.org/works/zbeq2vvj

License and attribution


This material has been provided by This material has been provided by the National Library of Medicine (U.S.), through the Medical Heritage Library. The original may be consulted at the National Library of Medicine (U.S.) where the originals may be consulted.

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



NATIONAL LIBRARY OF MEDICINE Washington



Founded 1836

U. S. Department of Health, Education, and Welfare
Public Health Service





Miller Ed MEDICA

DISSERTATIO MEDICA,
INAUGURALIS,

DE

PHYSCONIA SPLENICA.

QUAM,

SUB MODERAMINE VIRI ADMODUM REVERENDI

D. JOANNIS EWING, S. S. T. P.

UNIVERSITATIS PENNSYLVANIENSIS PRÆFECTI; EX CURATORUM PERILLUSTRIUM AUCTORITATE,

NEC NON

AMPLISSIME FACULTATIS DECRETO,

DEO MAXIMO ANNUENTE, PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDES;

ERUDITORUM EXAMINI SUBJECTAM SUSTINUIT

EDVARDUS MILLER, M. B.

DELAVARENSENT

SOCIETAT. MED. DELAWARENS. SODI

EJUSDEMQUE A SECRETIS

AD DIEM 23. JULII, HORA LOCOPUE SOLITIS.

L'Impatience du mal, l'amour de la vie, l'her eur de la mort, sentiments aussi naturels que celui de notre existence, sirent chercher aux hommes la guerison de leur maux.

DUJARDIN.

PHILADELPHIÆ:

APUB GULIELMUM YOUNG.

M,DCC,LXXXIX.

VIRO EXCELLENTISSIMO

JOSUÆ CLAYTON,

ARMIGERO,

REIPUBLICÆ DELAVARENS

PRSÆDI DIGNISSIMO,

Ad tantum honoris fastigium,

Meritis, ac virtutibus,

Evecto,

Propter infignem in re medica

Scientiam ac Peritiam,

Et amicitiam erga se singularems

-

VIRO CLARISSIMO

MEDICO CELEBERRIMO,

JACOBO TILTON, M.D.

SOCIETAT. MED. DELAVARENSIS

PRESIDI,

SOCIETAT. PHILOSOPHICE AMERICAN

Socio,

Ob amicitiam intemeratam, qua se,

Ab initio usque studiornm, fuit dignatus,

Et propter magna in se, suosque,

Collata beneficia;

THE PARTY OF THE P or would be tred all as at a way or

DENIQUE

VIRO ORNATISSIMO

NICOLAO WAY, M.D.

SOCIETAT. MED. DELAVARENSIS

E CENSORIBUS,
SOCIETAT. PHILOSOPHICÆ AMEICANÆ

Socio,

Virtutibus, quæ civem, hominemque exornant,

Non minus quam eruditione,
Ac scientiæ amore, insigni;
Artem Hippocraticam

Summa et merita cum laude,

Apud Wilmingtonienses exercenti;

Hanc Dissertationem medicam inauguralem,

Ut Observantiæ summæ testimonium exignum,

Sacram esse voluit

AUCTOR.

ERRATA.

Pag.	Lin.			
5	2 Pro	Inaugularis,	lege	Inauguralis,
7	2	pertinenibus		pertinentibus
-	5	f corfum		feorfum
-	23	hane -		hanc
II	14	fauguinem		fanguinem
17	18	fublequntur		fubsequuntur
19	27	rimirum		nimirum
20	7	fanatiorem		fanationem
-	21	congestiones		congestionem
-	26	Qantum	,	Quantum
21	18	Electrcitas		Electricitas
23	7	præstantissim	un -	præstantissimum
-	19	validiffimo		validiffime,
	25	plena -	The Party	pleno
24	18	ne -		ut
25	36	timulentis		temulentos.
10 mm 2 mm				CONTRACTOR OF THE PARTY OF THE

DISSERTATIO MEDICA,

INAUGULARIS,

DE

PHYSCONIA SPLENICA.

INTER morbos, quibus gens humana vexatur, quidam, præ aliis, attentionem medicorum merentur. Ex effectibus, vero, quos edunt, Dolor et Mors, procul dubio, gravissimi sunt. Hinc morbi, quos comitatur dolor acerrimus, et quibus est proclivitas in mortem præceps, humano generi nunquam non terrorem incutiunt; atque hinc homines, omnibus in seculis, medicinam, plus minus, excoluerunt. Hisce quoque morborum essectibus, sævis quidem et lugendis, conatus validiores et indesesso, atque ardorem pene incredibilem ad medicinam promovendam et augendam, debemus; ex his, denique, ut, quodam sensu, tuto assirmare liceat, proveniunt honores omnes, et emolumenta quæ ars nostrasalutisera est unquam assecuta.

Etsi dolorem lenire, et mortem minus freqentem reddere, sit meta optatissima, atque dignissima, quam Ars Medica attingere possit; tamen alia sunt, eaque gravissima, ad quæ medicum semper respicere oportet. Mala quibus laborant homines leniora, quæ eos ad vires corporis alacriter & strenue exercendas minus aptiores reddunt; etiam quæ corporis formam justam, pulchram et concinnam vitiant; quæ, denique, pro ore rosaceo, et lumine sanitatis purpureo, vultum pallidum et figuræ maciem inducunt; aliaque bene multa, levioris quasi momenti, conatus artis nostræ optimos postulant.

Morbus, de quo nunc agendum est, plerisque saltem in casibus, neque periculum, neque dolorem gravem minitatur. Satis vero amborum aliquando gignit, adeo ut eum attentione medicorum esseindignum, nequaquam concludere liceat(a). Exempla hujus mali, hac in regione, frequentissima; desormitas sæda quam corpori humano inferre solet; indoles ejus chronica, molesta, atque accumulans; observationes innumeræ quæ ostendunt quam sit pertinax et sanatu dissicilis; et denique hoc argumentum accuratius cognoscendi, studium, occasionem dedere, cur id, in præsentia, seligendum putavi.

Quam difficile sit hujus tentaminis argumentum, haud equidem ignoro, neque minus, quam sit mihi curta supellex ad difficiliora, ea qua par est, perspicacitate, tractanda. Aggressus vero sui, non tam spe illustrandi obscura, consiliove commenta nova proponendi, quam ut probabiliora de quæstione medicinæ dubia perdiscere conarer.

Morbi genus, quod speciem, de qua nunc agitur, inter multas alias sibi invicem dissimiles, complectitur, apud No-

⁽a) Strack Observ. Med. de Febrb. Interm. apud Duncani Comment Decad. 2. Vol. 2. P. 132.

fologos(b) Physconia appellatur. De omnibus speciebus, ad hoc genus pertinenibus, tractare, a proposito hujusce dissertationis alienum foret. Physconiam vero Splenicam peculiarem sibi naturam vindicare, atque ideireo tractationem seorsum mereri, ostendere conabor.

Ex morbis, qui chronici appellantur, non pauci sunt, qui ægre, difficilime, et sæpe infeliciter, a medicis curantur. Mala, enim, quæ a languido humorum motu profluunt, eo lentius et difficilius sanantur, quod omnes simul naturæ vires desiciunt. Quæ, vero, a nimio humorum impetu proveniunt, iis aut mors cita, aut victoria læta, brevi sinem imponit(c).

DEFINITIO.

CELEBERRIMI auctores, Sauvagesius, Linnæus, Vogelius, et Gullenus, Physiconiæ et Hyposarcæ titulis, varie, in suis egregiis operibus nosologicis, id genus morbi, cujus hæc est species, de qua nunc agitur, definiverunt,

Definitio Sauvagesiana, viz. " Intumescentia abdomi. nis a partibus solidis, sine graviditate et sluctuatione."

Ut Vogelio placet, " Intumescencia abdominis longa, a magnitudine, habituve visceris mutato."

⁽b) Hujus vocabuli Etymologia minime in dubio est. Physiconia a ΦΥΣΚΩΝ ventricosus, derivatur; quod ab ΦΥΣΑΩ insto, deducitur.—Ptolemeus Euergetes secundus hane appellationem adeptus est. Strabo eum Physiconem nominat, hoc est ventricosum. Erat enim et vultu desormis, et statua brevis, et sagina ventris non homini, sed belluæ similis.—Justini Lib. xxxviii. cap. viii.—Antient Universal History, Vol. 9. P. 98. Tit. Liv. &c.

⁽c) Greg. Confpect. Med. Theoret.

Linnæana Definitio, viz. "Abdominis nodosa intu-

Inter memoratos nosologiæ cultores illustrissimos, nemo hunc morbum tam bene definivit quam doctissimus Cullenus, qui characterem suum verbis quæ subsequuntur tradendum curavit. "Tumor quandam abdominis partem potissimum occupans, paullatim crescens, nec sonorus nec sluctuans."

Sed in Physconia Splenica ordinanda, his auctoribus clarissimis dissentire cogor.—Pace, itaque, horum, aliorumque haud parvi nominis, quos nemo magis quam egometipse miratur, quod mihi videtur, ea verecundia qua decet, nunc paucis verbis proferam.

Hoc malum ex febribus intermittentibus originem ducere fere semper videtur. Omnium medicorum consensu, qui hunc morbum, hac in regione, frequentissime observant, æque ac observationibus propriis multis, in hoc propositum spectantibus, rem ita se habere, vix dubitare posfum. Exempla ejus rariffima, ex aliis causis, ut videri possit, oriundi, ad evertendam opinionem tam verisimilem, haud facile admittere licer. Casus hujusmodi, febribus nimirum intermittentibus non manifeste prægressis, aliquando vidisse, lubenter fateor. Tales vero plerumque ea anni tempestate, scilicet autumno, qua febres nostræ endemicæ graffari folent, oriuntur; et ergo cognationem cum illis plane oftendunt. Physconiam enim Splenicam posse provenire ex ejusdem diatheseos minore gradu, quam qui ad febres intermittentes revera inducendas, sufficiat, pro comperto habeo.

His positis, si normis nosologiæ methodicæ obtemperare

velimus, Physconiam Splenicam, ut speciem morbi distinctam, agnoscere neutiquam licebit. Hoc consilio inductus, et minime mearum virium siducia suffultus, definitionem, seu potius descriptionem sequentem nunc aggredior.

Febrium intermittentium plerumque sequela; tumor in regione Hypochondrii sinistri exortus; paullatim crescens; durus; sæpe indolens; nec sonorus, nec sluctuans; quandoque longe et late disfusus; et diutissime permanens.

HISTORIA.

HIC morbus infantes recens natos rarissime occupat; pueros, vero, potissimum a tempore, quo a lacte depelluntur, ad ætatem puberem, sæpissime infestat. Qui pubertatem
superaverunt, minorem proclivitatem ad hoc malum quotannis, usque ad annum vigesimum, aut circiter, ostendunt.
Ætate provectiores aliquando, sed rarius, vexare solet.
Quibus est corporis constitutio debilis, laxa et delicata; et
sæminæ multo frequentius quam mares, huic morbo objiciuntur. Qui victu utuntur tenui & parco, & qui variis inopiæ
dissicultatibus et sordibus premuntur, huic malo maxime siunt
obnoxii. E contrario, qui cibo vescuntur pleno, nutriente et
lauto, et qui rebus secundioribus fruuntur, ab illo, aliqua
saltem ex parte, expertes vivunt.

Morbus plerumque invadit autumno, vel, ea anni tempestate, qua intermittentes grassantur; quibus sere semper præeuntibus, tumor parvus, et vix induratus, in Hypochondrio sinistro exoritur. Paullatim crescit, & tandem haud raro molem ingentem adipiscitur. Incipiens adhuc et parvus, plerumque parum molestiæ sacessit; aliquando vix percipitur; ingravescente vero morbo, sensationes injucundæ haud paucæægroto occurrunt. Idem, diu, nonnullis in casibus, sine dolore, manet. Tumore, autem, magnitudinem molestam adepto, viscera vicina magnopere comprimuntur(d); respiratio, exercitatione potissimum incitata, redditur anhelosa; et si sanguinis circuitus valde incitetur, dolor sed raro vehemens diuturnusve, ægrotuminvadit. Cum vero morbus inveteraverit, sensus gravitatis et tensionis, maxime injucundus, eum sæpe inquietat. Febris levicula, sæpe sub vespere accedens, aliis symptomatibus haud raro adjungitur. Æger sebribus intermittentibus obnoxior sit, quæ deinde solito vehementiores et pertinaciores evadunt, tumorem adaugent, et secundæ valetudinis sundamenta ex toto labesactant. Debilitas quoque, languor, lassitudo, torpor, vultusque pallidus et plumbeus, sere semper, sed variis gradibus, hunc morbum comitantur.

Hic tumor, quibusdam in casibus, molem mirabilem adi piscitur(e). Illustr. Van Swieten duo exempla memorat, ubi Splen paullatim adauctus est usque ad magnam abdominis partem implendam, et in pelvem etiam prolabendum(f). Et M. De La Motte casum recenset hujus mali, adeo tandem ingravescentis, ut spatium, hypochondrium sinistrum inter et axillam, sere totum occuparet(g).

(f) Comment. in Boerh. Aphorism. Vol. 9. P. 325. (g) Traité complet de Chirurgie Tom. 11. P. 169, 170.

⁽d) Casum nuperrime vidi, ubi Physconia Splenica magnitudinene ingentem adepta est, et viscera vicina compressit, usque ad Herniam scrotalem inducendam.—

⁽e) Theoph. Bonet. rapporte, d'apre's Hyppol. Boscus, l'ouverture d'une semme attaquee d'un squirre à la rate, qui s'et it tellement accru qu'il remplissoit l'abdomen, & pesoit trente trois livres. La malade avoit porté cette maladie pendant dix-sept ans, vaquant d'ailleurs à ses occupations. Nos histoires sont remplies de pareils exemples touchant lesquels je renvoye, pour abreger, à la lecture de Sebenkius, du Sepulchretum de Bonet. et de la Médecine Septentrionale, Nosologie de Sauvages Tom. 11. P. 295.

Symptomata Dyspeptica, eaque haud raro gravissima, et generis etiam pertinacioris, ægrum frequenter vexant. Hypochondriasis, quoque, sæpe oritur a tumoribus in liene aut hepate, qui interdum post sebres intermittentes, male curatas, observantur. Hujusmodi tumores liberum sanguinis motum in abdomine plane impedient, ideoque congestionem producunt(h).

Exempla non desunt, ubi Physiconia Splenica Hydropem, varii generis, induxisse videtur(i); rem vero frequenter sic se habere, vix dicere ausim.

Sunt qui credunt hoc malum, paucis in casibus, in schirrum immedicabilem transire, qui tandem, sed raro in carcinoma(k) desinit, nonnunquam subito lethale, erosis scilicet magnis vasis sanguinem vehentibus, plerumque vero lentam et miserandam tabem, cum sebre hectica certissime exitiali, inducturum(1).

Hoc malum, quamvis fædum et molestum, aliis morbis, gravioribusque incomitatum, mortem ægroto haud sæpe affert. Et systema forsan nullum morbum tam diu, muneribus vitæ usitatioribus tam parum turbatis, aliquando etiam usque ad senectutem, tolerare potest.—

DIAGNOSIS.

TULLUM morbum, præter Physconias alias, novi, cum quo hic potest confundi. Et si locum, unde tumor exortus est, attente observaverimus, non est in his cur dubitemus.

(i) Illustr. Pringle's Diseases of the Army.

⁽b) Gregor, Dissertat. Inaug. De Morb. Cæli Mutat. Medend. P. 128.—

⁽⁴⁾ Drelincourt, Differt. Anat. Pract. de Lienofis capt xiv. Opuse. Om n. P. 763.

⁽¹⁾ Conspect. Med. Theore. Vol. I. P. 401.-

Graviditatem, quoque, quibusdam in exemplis, hunc morbum haud parum referre, nonnulli credunt. Intumescentia vero abdominis gravidæ, ab hypogastrio incipit, opus generationis subsequitur, et partu terminatur. Cervix uteri curtatur; sætus vivus inter quartum et quintum mensem sentitur; et dum catamenia supprimuntur, mammæ, usque ad lactis eruptionem, tumescere solent.—

CAUSÆ REMOTÆ.

Hæ vero in duplex genus distingui solent. Ad primum genus pertinent causæ, quotquot corpus morbo opportunum reddunt; scilicet ut, admota causa excitante, morbum suscipiat. Ad alterum genus pertinent quæ vocantur potentiæ nocentes, vel causæ excitantes; res, scilicet, quæcunque in corpore jam proclivi sacto morbum excitare possint(1).

Inter ea, quæ proclivitatem tantum ad hunc morbum faciunt, recenseri debent ætas puerilis, constitutio corporis debilis, laxa et delicata, vita otiosa et sedentaria, sexus sequior, regio paludosa, victus tenuis et parcus; omnia denique, quæ corpus debilitant, & causis excitantibus affici obnoxium reddunt.

Hujus mali causæ excitantes præcipuæ, fortasse solæ, sunt sebres intermittentes & remittentes, varii generis, et atmosphæra exhalationibus palustribus inquinata. Auctores præclaros et omni laude dignos, hanc observationem silentio præterivisse, aut, hac de re, aliter omnino sensisse, ex casibus sequentibus, multisque aliis, qui hic recenseri possent, constare videtur.

⁽¹⁾ Greg. Conspect. Med. Theoret. Vol. I. P. 23.

Un enfant age' de neuf ans, qui avoite'te' delivre' d'une ascite par les reme'des purgatifs, sut depuis, atteint de tres vives douleurs dans le bas-ventre; ensin, il s'eleva dans l'hypochondre gauche, une tumeur considerable & douloureuse sensible a lœil, & au toucher. A l'ouverture du cadavre on appercut, outre plusieurs autres choses, que la rate etoit d'un volume extraordinaire & avoit change' de figure; qu'elle s'elevoit sur l'estomach & comprimoit le soie; que sa couleur & sa consistance etoient semblables a celles du soie; il n'y avoit ni squirre, ni ulcere, ni inslammation; mais elle etoit obstrue'e & engorge'e par le sang, qui y abordoit en plus grande quantite' qu'il n'en sortoit (k).

Dans un enfant mal gouverne' par sa nourrice, qui, au lieu de lait, lui faisoit manger des choses indigestes pour son âge, il se forma une grande quantite' d'un suc lent & visqueux, qui remplissoit tellement la capacite' etroite des vaisseaux de la rate, que ce visce're, qui etoit prodigieusement gonsle', distendoit tout l'abdomen, & causoit une maigreur universelle: l'obstruction ayant e'te' leve'e & la surabondance des sucs diminue'e, la rate se desensla si manifestement, qu'il parut plus clair que le jour, que cette tumeur ne'toit pas tant occasionne'e par la mauvaise conformation, que par la surabondance des alimens(1).

Physiconia Splenica, his in exemplis, ex febribus intermittentibus provenisse, haud equidem dicitur; febres vero istiusmodi præivisse, aut malum in regione paludosa, his simul grassantibus, vel autumno, atmosphæra exhalationibus palustribus inquinata, ortum esse, minime abnegatur. Et quicunque secum reputaverit, quoties hoc malum ab intermittentibus maniseste originem ducit, et quam raro

^{(4) (1)} Nosologie de Sauvages Tom. 3. P. 205.

ab aliis causis, ei satis patebunt rationes, que nos in hanc sententiam cogunt. Tamen sateri oportet, multum adhuc requiri, nt hæc opinio pro certa et stabilita doctrina recipiatur. Vera et certa sorsan haud mihi contigit novisse; at veritatem summo studio indagavi; et vero similia, ut speratur, assecutus sum. "Sequimur, enim, probabiliora; nec ultra quod verisimile occurrit progredi possumus, et resellere sine pertinacia, et reselli sine iracundia, parati sumus" (m).

CAUSA PROXIMA.

Quippe quæ presens morbum facit, sublata tollit, mutata mutat; summa diligentia conandum est, ut hæc res clare elucescat.

Priusquam vero ad causam proximam tradendam progrediamur, pauca sunt præmittenda de splenis sabricatione, de variis et miris modis, quibus natura provida operam dedit ad motum sanguinis per hoc viscus retardandum, et de proclivitate ad hoc malum necessaria, quæ exinde nascitur.

Splenis fabricam sive texturam, laxam, teneram et permollem(n) esse; et ei majorem sanguinis copiam, quam aliis visceribus, pro rata parte, deferri(o), a Physiologis omnibus, hodie conceditur. Quam proclivis sit, ad turgendum, ab intumescentia ejus, vacuo ventriculo, naturaliter et constanter oriunda, quæ tamen, post pastum, in minorem molem statim redigitur, colligere licet(p).

⁽m) Cic. Difput. Tufculan. Lib. 2.—
(n) Haller. Prim. Lin. Physiol. Vol. 2. P. 99.—Hewson. apud
Duncani Comment. Vol. 1. P. 100.
(e) Haller. ibid. (p) Ibid.

Arteria Splenica, ab Cæliaca oriens, multo amplior (q) est, pro ratione et molis et ponderis hujusce visceris, quam in aliis partibus observatur; tunicis etiam iis aortæ crassioribus instruitur (r); et sanguinis per eam motus, propter cursum ejus serpentinum, et parietum duritiem raram, lentissimus evadit (s). Vena Splenica (t), et tela quoque ejus cellulosa (u), sabricam, multo quam in aliis visceribus molliorem et ad distensionem aptiorem, ostendit.

Difficilis sanguinis transitus ad Hepar per venam porta; at, præ omnibus, lentior ejus motus, per splenem ipsum, propter auctam vasorum, prout in ramos dividuntur, capacitatem, quod hoc in viscere insigniter obtinet (w); his omnibus attente consideratis, causæ retardationis potentissimæ apparebunt.

Sanguis, in vena splenica, liquidissimus reperitur (x); et fere nullam ad coeundum proclivitatem ostendit.

Hæc, quicunque rite consideraverit, is bene perspiciet, labore quam strenuo natura conata est motum sanguinis per hoc viscus retardare; et simul illi persuasum erit talem retardationem maxime necessariam esse, ad consilia gravissima in œconomia humana persicienda.

Ratio fluiditatis, quæ tam infigniter in fanguine splenico obtinet, a motu ejus tardissimo petenda est. Hæc remora eum longius a pulmone cohibens, istam ad coeundum proclivitatem, quæ ab circuitu per pulmonem provenit, minuere videtur.

⁽q) Haller. Prim. Lin. Physiol. Vol. 2 P. 99.

⁽r) Ibid. (s) Ibid. (t) Ibid. (u) Ibid. 101. (w) Ibid. (x) Ibid. 102.

"Aeris ad fanguinem extra vafa aditum, ejus coagulatiohem promovere, neutiquam dubitandum est; cujus rei nullam explicationem eo tentabo, quod ad propofitum noftrum veram eam et observatam esse, sufficit. Tenuem quoque pulmonum membranam non sufficere ad mutuam aeris et humorum inter se actionem prohibendam, conftat (y); unde sanguinem, qui pulmonalem circulum transfluxit ad coeundum, cœteris paribus, fanguine, qui illic mutationem non fubiit, promptiorem effe; colligimus; ergo fanguinem, omni in exemplo, ubi, Pro brevi etiam temporis spatio, beneficiis ab circuitu per pulmonem oriundis, privatur, fluidum dissolutumque esse, necesse foret; qua conclusio innumeris observationibus hititur (z): ita sanguis venosus, quam arteriofus, licet hic majori motui quam ille objicitur, minus tamen ad coeundum proclivis est (a). Incisis submerforum corporibus, liquiditas in fanguine infignis reperitur; venæ portæ sanguis, etiam minus quam venosus, ad coeundum promptus est (b); sanguis in embryone quam in matre fluidior est (c). Somniculosorum animalium sanguis per totam hyemem tenuis dissolutusque permanet (d), quia circumfluxio quædam fine respiratione aliquamdiu confervatur(e)".

His rebus præfatis, ad causam hujus morbi proximam

⁽y) Vide Halesii Hæmastat. Priestly's observations on Air, &c. &c. (z) Vide Lond. Med. Transact. Vol. 3. P. 9. Dr. Langrish's Phys. Exper. on brutes P. 66. 145 Vide Greg. Horstii junioris op. tom. 1 P. 136. 142. In homine sumo carbonum necato. sanguis suit solutus. Sagar 555. Morgagni de caus. et sed. morb Lib. ii Exp. xv. P. 131 &c.—Bonet. Sepulchret. Anat. Lib. ii, Sect. i obs. xviii &c.

⁽a) Dr. Stevenson Med. Eff. Edin. Vol. 5. part. ii 332.

⁽b) Prælect. Celeberrim Prof. Monro.

⁽c) Martini Lister. Differtatio de Humoribus cap. i, 14.
(d) Lister—Maclurg's Treatise on the Bile. Hewson, &c;
(e) Differtat. Inaug. M'Donnell 1784.

moribus congestis, et languido et impedito eorum per splenem motu, constare, omnibus satis innotuit.

Retardationibus, quas natura sanguinis motui hic imposuit, probe consideratis, hoc malum, nostris in regionibus palustribus, frequentissime occurrere, nil est cur miremur.

Causa proxima sic posita, ad modum indagandum, quo hoce congestio, & motus sanguinis languidus provenire possint, nunc progredimur. Congestio, ex humoribus in vasa splenica accumulatis et impactis (e), vel ex iis in telam reticulatam vicinam essusse (f), plerumque oritur. Utramque causam, multis saltem in casibus, conjungi, satis verisimile videtur.

Exemplis in levibus et incipientibus, fluidorum coacervatio et impactio sola fortasse in vitio sint. Cum vero malum inveteraverit, et molem enormem sit adeptum, essusionem, et quidem copiosissimam, accedere, minime in dubio esse videtur. Argumentis quæ subsequintur, in hanc sententiam ducor.

rmo. Moles magna, et pene incredibilis, quam hic tumor nonnunquam adipiscitur, nos vetat, eam tribuere ulli

⁽e) Dilatatio, Ευρυςμα, cum parietes cavitatis, rimium inter se distantes, spatium justo capacius circumscribunt. Obtinere potessi in quibuscunque cavis corporis, majoribus, minoribus, quornm parietes distensionem admittunt. Oritur autem, si contenta materies majore vi in latera agit distendendo, quam hæc superare contra nitendo queant. Quo facit congesta uberior moles, volumen expansione auctius, impeditus trajectus, impetus advectorum enormis; parietum robur imminutum, aut eorum, quibus a foris fulciuntur, ablatio. Gaub. Instit. Patholog. Med. P. 85.

⁽f) Avasouwsis, quæ hic vocatur ostii cavitatis, quod admittit aut emittit, immodica laxatio. Unde sit, ut plus aut aliud quid, quam lex sanitatis exigit, introeat, exeatve. Efficere hanc eadem possunt, quæ dilatationem. Gaub. Instit. Pathol. Med. P. 85.

vasorum distensioni, quam parietes, salva integritate et circulatione vitali, admittere possinnt.

2do. Subita diminutio et fanatio, qualem hoc malum aliquando suscipiat, nisi essoso pro vero admittatur, explicationem accipere non potest(g).

3tio. Vasorum lymphaticorum in telam Splenis reticulatam hiantium, frequentia insignis; et sanguinis rubri ipsius deprehensio in vasis istis lymphaticis, eum per has vias transire posse, clare demonstrat (h).

4to. Ex analogia quam præbet Phlogosis. Essusio, hic, Culleno Illustrissimo teste, magnam morbi partem facit. "The tumour, (inquit ille) which appears in inflammation may be imputed, in part, to the congestion of sluids in their proper vessels; but is owing chiefly to an essusion of matter into the adjoining cellular texture; and, accordingly, tumours seldom appear but in parts adjoining to a lax cellular texture (i).

5to. Liquiditas sanguinis insignis, quæ hoc in viscere observatur, eum facillimum effuiu proculdubio reddit.

Quandocunque mahim ex humoribus in vasa propria tantum impactis, nascitur, sedem congestionis præcipuam

(g) Vir excellentissimus, Dr. Clayton qui Reipublicæ Delavarensi, summa cum dignitate et virtute, hodie præsidet, sequentem casum mihi mittendum per literas, nuper curavit. A. B. Vir, quadraginta annos, aut circiter natus, Physconia Splenica, magnam abdominis partem occupante e sebribus intermittentibus, pertinacioribus et frequenter redeuntibus, proveniente, viginti annos, vel amplius, laborave at. Correptus Cholera violentissima, et exinanitionibus copiosissimis, plures dies continuatis debilitatus, sere ad extremum reductus est. Convalescens, tandem, Physconiam Splenicam ex toto evanuisse att nitus deprehendit. Dehinc tamen a mor o liber vixit, et adhuc, post plures annos vivit.

(b) Hewsoni Epistola ad Dr. Haygarth, apud Duncani Comment.

Vol. 3. P. 91.

⁽i) First Lines of the Practice of Physic, Vol. I. P. 229.

venæ præbent, quippe quæ, in hoc viscere, mollissimæ, et ad distensionem aptissimæ sint. In his quoque vis a tergo parva, et contractio musculorum vicinorum et in cumbentium parum essicere potest (k).

Quædam corporis conditiones morbosæ, partem causæ proximæ haud parvam faciunt, et hoc malum sæ e multo frequentius et pertinacius reddunt. Præter obstructionem, quæ iter humorum splenicorum impedit, languescit sæpæ sanguinis universi corporis motus, imprimis ob debilitatem, torporem, desectum irritationis, veluti exercitationis; sicubi vel vires desiciunt, vel non, ut decet, excitantur, aut excitari possunt (1).

PROGNOSIS.

Neventu hujus morbi præsagiendo, ad ægrotantis ætatem; ad regionem quam incolit; ad corporis constitutionem, sive debilem et laxam, aut robustam; ad morbi tempus; et denique, ad vitæ genus; medicum semper respicere oportet. Si vires vitæ, senio, et morbis prægresis fractæ et exhaustæ sint, præsagium selix vix deduci potest. Regio paludosa malum multo pertinacius reddet, et depulsum sæpe revocabit. — Constitutio corporis laxa, proclivitatem ad hunc morbum perpetuam, et sanationem dissiciliorem facit. Quo diutius malum permanserit, eo dissicilius est plerumque sanatu. Vitæ genus otiosum, sedentarium et deses, sere simper ad morbum consirmandum augendumque, magnopere consert.

(1) Conspect. Med. Theoret. Vol. I. P. 251.

⁽k) Quicquid causa suerit, quod sanguis languidius movetur, malum in venas maxime incumbit; mimirum, quia in his sanguin is motus semper tardior est. Hinc varices venarum, et congestiones sangumis, præsertim in iis partibus quarum venæ valvis carent, et in quibus motus musculorum sanguinis cursum juvare nequit. — Conspect. Med. Theoret. Vol. I P. 252.

Ætate provectiore, vis nervosa imminuitur; partes corporis solidæ indurescunt; et hinc vasa minutissima coarctantur, et tandem concluduntur; et motus, et distributio sluidorum maxime impediuntur. Hæc omnia Physconiam Splenicam confirmant, et spem sanationis, magna ex parte, adimunt. Sed juveni vegeto, ad exercitationem prompto, et cætera sano, plerumque prosperam sanationem polliceri licebit.

RATIO MEDENDI.

S U M M IS viribus eniti, ad cohortem morborum, qui infanabiles habentur, minuendam, munus est splendidissimum, et utilissimum, quo ars nostra salutisera sungi possit. De Egroti salute desperare, quia mala hujusmodi plerumque cedere nolint, medico sapiente, et qui nihil humanum a se alienum putat, minime est dignum. Hac ad Egros derelinquendos proclivitas, maximam Medicina injuriam intulit, artem nostram debilem et ignavam reddidit, et opprobrium medicornm, per omnia secula, extitit.

Confilia, autem, medendi funt,

- J. Causas remotas tollere.
- II. Humorum congestionem expedire, motumque eorum languidum atque difficilem excitare.
- III. Corporis totius habitum depravatum corrigere, tonum viresque idoneas systemati reddere.
 - VI. Morbum recidivum arcere.
- 1. Qantum ad primum consilium attinet, ei accomodantur remedia roborantia omnia, qualia ad sebres intermittentes et remittentes medendas, nusquam non exhibentur. Inter hæc, Cortex Peruvianus primum sibi locum vindicat.

Vires hujus remedii præstantissimi, tam late, & quidem universaliter innotescunt, ut de iis, hoc in loco, disserere, vix sit opus.

Prohibuerunt auctores clarissimi, et, inter alios, Cullenus venerandus ipse, Corticem Peruvianum adhibere, ad sebres intermittentes medendas, existente simul congestione sirma in visceribus abdominalibus(m). Hæc opinio, ex erroribus Pathologiæ Humoralis, proveniens, quantumcunque apud medicos olim recepta, hodie pene exolevit. Et medici maximi nominis, Corticem Peruvianum ad sebres intermittentes summovendas, nulla sere ad Physconiam Splenicam ratione habita, quotidie adhibent(n).

- 2. Secundo confilio accomodantur Remedia Roborantia & Stimulantia, fere innumera; quæ, inter se, tum quod ad cæteras et magis manisestas dotes, tum maxime quod ad vires suas medicinales, admodum diversa sunt. Inter hæc, sequentia, in nostrum propositum, seligenda putavi.
- 1. Emetica. 2. Cathartica. 3. Mercurius. 4. Electricas 5. Ferrum. 6. Cortex Peruvianus. 7. Vinum. 8. Balneum Frigidum. 9. Exercitatio. 10. Frictio. 11. Celi mutatio.

Emetica, in hujusmodi malis prodesse videntur, partim stimulo suo, ventriculo admoto, perque consensum cumaliis partibus communicato, partim vehemente agitatione et

⁽m) The Bark may be employed with fafety at any period of Intermittent Fevers, providing that at the fame time, there is neither a phlogistic diathesis prevailing in the system, nor any considerable or fixed congestion present in the abdominal viscera.

First Lines, Vol. 1. P. 207

⁽n) Dr. D. Monro's Observat. Illustr. Pringle's Diseases of the Army. Dr. Saunders on the Bark.—Cleghorn's Minorca. Lind on Hot Climates.

inverso motu ventriculi et superioris partis intestini, partim demum ingente pressura, quæ, inter vomendum, a septo transverso musculisque abdominis valide contractis, omnibus quæ in abdomine continentur partibus datur (0).

Vomitiones, quoque, motum fanguinis, in abdomine, fæpe languidum, variis modis haud parum expediunt, partesque affectas probe excitant et agitant.— Vomitiones autem, non modo per abdomen fanguinis motum promovent, ejufque vifcera stimulant, sed totum genus nervosum quodammodo excitant, & partim hoc stimulo, partim magnis nixibus et agitationibus quas essiciunt, pulsus sessinant, motumque sanguinis per totum corpus accelerant, et simul æqualem ejus distributionem essiciunt, congestiones aut distributiones abnormes tollunt, et actionem vasorum absorbentium intendunt.

Exemplum genu ex magna fynoviæ accumulatæ copia tumefacti, profert accuratus Cruikshank. Magna quantitas salis tartari, pro solubili tartaro errore data, vomitum per quadraginta octo usque horas violentem concitabat. Vomitu sinito, postquam ægri stomachus, ex medicamento inslammatus, cito sanus siebat, tumor genu sere omnino dispersus reperiebatur (p).

Æger interea navem ascendit, ubi nausea correptus, abunde admodum vomuit. Bubone penitus evanescente, auxilii chirurgici nil indiguit (q).

⁽⁰⁾ Conspect. Med. Theoret. Vol. 2 P. 445. (p) Cruikshank's Letter to Clare P. 166.

⁽⁹⁾ Differt. Inaug. Winterbottom, 1781.

Cathartica. Alvi autem purgatio, plena saltem et valida si fuerit, non modo res omnes quæ in intestinis continentur, expellit, sed per stimulum medicamenti iis admoti vis nervosæ derivationem abdomen versus essicit, motumque sanguinis per omnia hujus viscera promovet, et actionem vasorum absorbentium excitat atque intendit (5).

Mercurius. Hoc remedium præstantissimum eo modo et consilio seliciter adhibetur, ut vasa sanguisera et absorbentia levi vel nullo ptyalismo excitato, stimulet; sic, enim optime cavetur, ne ægrotantis vires consumantur. In hun sinem Pilul Mercur. Ph. Edin. eligendæ videntur, præ salibus e mercurio paratis, quippe quæ per alvum se præcipitare solent.

aura polleat ad schirros discutiendos, ad promovendam rerum variarum absorptionem, etiamque ad callos ossium puxuriantes amovendos, sere omnibus notum. Animalium corpora non modo velocissime pervadit, sed simul validissimo stimulat, sensumque in partibus sentientibus, motumque in partibus musculosis, mirabiliter excitat. In cursu sanguinis languido per vasa minutissima expediendo, vires mirandas ostendit. Cel. Abbas Nollet, qui ingeniose admodum plurima in electricitatis doctrina investiganda, experimenta secit, aquam guttatim e tubo insulato decidentem, electricitate adeo accelerari, ut plena sueret cursu, perspexerit (t). Hoc experimentum ad vegetabilia et animalia transtulit, quorum perspirationem auctam invenit. (u).

(w) Ibid. 248.

⁽s) Conspect. Med. Theoret. Vol. 2 P. 464.

⁽¹⁾ Mem. de L' Academ. Royale pour 1758 Vol. 2 P. 221-

Observandum, quoque, est, hoc remedium, utcunque validum, parum sepe prodesse, nisi large adhibitum suerit, diuque continuatum (v).

Ferrum. Hoc inter præstantissima et tutissima eorum remediorum, quæ vi gaudent tonica, merito recensetur. Medicamentum ubique sere paratum, vix longiori usu nociturum, tantulaque portione ad infirmatum hominem reficiendum essicax, haud mediocrem opem ægrotantibus promittit. Devorari potest, vel in particulas minutas limando tritum, vel ad formam rubiginis per humorem et trituram redactum.

Cortex Peruvianus. Nobilissimi hujus remedii usus beneficia maxima in genus humanum contulit. Ex quo genuinus ejus effectus in corpus humanum innotuit, vix ullus quidem, debilis laxæque sibræ soboles, se prodit morbus, quin ad eum illico decurratur. Sed ex repugnantia mira, et quidem perniciosa, quam medici tam diu et pertinaciter ostenderunt, ne Corticem Peruv. experirentur, ad Physconiam Splenicam medendam, malum id, omnino mite et sugax, cum sit rite tractatum, in morbum immedicabilem haud raro mutavit (w).

Vinum. Omne genus vini, et magis adhuc meraciores

(v) Greg. Coufpect. Med. Theoret. Vol. 2 P. 303.

Cel. Strack. Observ. Med. de Feb. Intermitt. apud Duncani Comment. Decad. 2 Vol. 2 P. 131.

⁽w) This tum ur (Physconia Splenica) when large and obstinate, is he thinks, by no means free from danger. When it admits of cure this he thinks, is to be effected by the Peruvian Bark; because its origin and increase depends on the intermittent fever. And while neither internal aperients, nor ointments applied externally, are of any avail, by the use of the Bark it will, he affirms, be completely resolved, if it be not of long standing. And he even alledges, that by long continuance of the Bark, he has known very large tumours of the spleen total y discussed.

illi latices, Spiritus destillati dicti, corpori stimulo sunt certissimo, et gratissimo, & sape saluberrimo. Et istiusmodi
jam remedia (ubicunque stimulo interno et generali opus
est) a medicis multo largius præscribuntur quam olim sieri solebat, et quidem cum insigni ægrotantium commodo*.

Balneum Frigidum. Usus balnei frigidi, pro remedio roborante, tam sæpe præscribitur, ejusque saluberrimi effectus in plurimis morbis tam bene jam sunt noti, nt nemo medicorum de iis dubitare possit.

Exercitatio. Idonea corporis exercitatio, pro remedio roborante, omni laude major est. De modis variis, quibus prosit, utpote omnibus satis notis, non hic est locus dicendi. Pro agroti viribus atque consuetudine, mitiora vel violentiora exercitationis genera prascribenda sunt.

Labor improbus, et assiduus, inter remedia hujus mali essicacissima, primum sortasse sibi locum vindicat. Hine occupationes quædam, actionem musculorum validam et sere perpetuam postulantes homines iis deditos, et inde victum quærentes, a morbis hujusmodi, immunes præstare, plerumque observantur(y). Et experientia satis constat, hoc malum iis præcipue incumbere, qui vitam ignavam et sedentariam degunt.

Si æger hujusmodi labores, et corporis exercitationes vehementiores, veluti ambulationem, gladiatoriam, cursum, saltationem, et similia, tolerare nequit; tunc tentanda sunt

^{*} Observationibus accuratissimis constat, timulentis rarissime boc malo laborare.

⁽y) La Nature est juste envers les Hommes: elle les recompense de leurs peines; elle les rend laborieux, parce qu'a de plus grands travaux elle attache de plus grandes recompenses L'Esprit Des Lois, Tome 2, P 4°

mitiora exercitationum genera, quæ scilicet gestationes vocantur. Inter gestationes, equitatio, cæteris omnibus longe
præstat; actio enim musculorum haud exigua in ea requiritur, sed adeo levis, et ita variata, ut etiam valde infirmis,
iisque qui plane ambulare non possent, tolerabilis, et grata,
et valde salutaris siat. Longa itinera, in regiones salubres
equitatione peracta, in hoc malo magnopere prosunt. Ægro, vero, neque ad hanc optimam gestationem valenti,
mitiora præscribenda sunt gestationis genera, et maxime
gestatio in rheda, et navigatio, quæ revera sæpe quam optime prosuerunt.

Frictio. De hujus utilitate, in Physconia Splenica tractanda, minime ambigitur. Viribus musculorum opitulari videtur, et certe sanguinis cursum juvat, et actionem vasorum resorbentium multum promovet.—Frictionem in tumorem ipsum dirigere, et eam validissime adhibere, semper oportet. Usus Unguenti e mercurio, ad partem inter frictionem desendendam, et simul ad corpus universum hoc remedio imbuendum, minime a consilio medendi alienus foret.

Gæli Mutatio. Ex observationibus innumeris satis patet dispositionem ad multos morbos ex statu cæli et aeris provenire. Ratio ergo suadet, multos morbos, ex cæli intemperie ortos, cæli mutatione præcaveri & sanari debere. Nec aliter res se habet. Plurimi enim morbi, nullis aliis remediis domandi, tempestate vel cælo mutato sponte evanescunt, aut levantur. Et omnes medici, tam veteres quam recentiores, in hoc consentiunt, cæli mutationem multum esse auxilii in variis morbis, vix aliter medendis.

3. Ad tertium nostrum medendi consilium respondendum,

multa quæ sub secundo consilio comprehensa sunt, in usum revocanda. Idoneus cibus, vina generosa, exercitatio assidua, cortex peruv, cœteraque amara, ferrum, balneum frigidum, et cæli mutatio, atque omnia denique quæ corporis tonum augent, neque ventriculo sunt aliena.

4. Ad quartum, ultimumque consilium, jam ventum est, morbum recidivum nempe arcere.

Hoc optime præstabit eorumdem remediorum continuatio, quæ sub tertio consilio recensuimus; et præcipue, cibus idoneus, vina generosa, exercitatio crebra, balneum frigidum, atque in regionem patria salubriorem, migratio.

Nihil amplius mihi restat, Dissertatiunculæ huic jam sinem imposituro, quam ut almæ huic Academiæ, unde tot et tanta beneficia accepi, optima voveam. Diu sloreat, sciscientiæ decus, patriæque, rebus in adversis, præsidium.

Denique, liceat mihi, Professoribus hujusce Academiæ illustribus, meritas agere gratias. Ob insignem, in arte propria, peritiam, et in omni literarum genere, scientiam; ob benevolentiam et urbanitatem, in Medicinæ studiosos demonstratam, quantas sibi laudes collegerint, nemo est, qui non audivit. Quantam delectationem a prælectionibus eorum eruditis, quantumque fructum, ipse perceperim, semper meminisse juvabit. Scientiam Medicam ornare atque excolere diu pergant; sint slorentes, sint honoratissimi, sint beati.

Bresented The author

Med. Hist. WZ 270 M647d 1789 c.1

